

Bases



Convidamos a todos os escritores e escritoras a participar no **XXV Premio edebé de Literatura Infantil e Xuvenil**, un acontecemento anual que xunta as obras de maior calidade literaria para os nenos e os mozos.

Contos fantásticos, narracións enxeñosas, historias excitantes ou apaixonantes relatos que fagan soñar os lectores máis novos.

**Participa coa túa obra.**  
**Porque todos levamos un premio dentro.**

Establécense dúas modalidades de premio: modalidade infantil, para obras de narrativa dirixidas a lectores de 7 a 12 anos, dotada con 25.000 euros, e modalidade xuvenil, para obras dirixidas a lectores de máis de 13 anos, dotada con 30.000 euros. O feito de participar nunha modalidade exclúe a posibilidade de facelo na outra.

A concesión do Premio nas súas dúas modalidades, supón que o autor lle cede en exclusiva a edebé todos os dereitos de explotación sobre a obra, por toda a vixencia de Propiedade Intelectual, en calquera lingua, formato, canle de distribución, xa sexa de forma directa ou mediante terceiros, para todo o mundo; cesión que o autor se obriga a formalizar mediante o asinamento do contrato de edición estándar que nese momento teña en vigor a editorial. A dotación do Premio computarase como anticipo á conta dos dereitos de autor obtidos.

A editorial edebé terá unha opción preferente para a adquisición dos dereitos, en todas as linguas do Estado español, das obras que o xurado considere con interese para publicar e que non obtivesen o premio nalgunha modalidade.

As obras deberán ser orixinais totalmente inéditos, de tema libre e escritos en castelán ou en calquera das linguas do Estado. O xénero literario debe ser novela. Remítanse dúas copias a este enderezo: Premio edebé de Literatura Infantil e Xuvenil. Editorial edebé, Paseo San Juan Bosco, 62, 08017 Barcelona. Deberase especificar claramente a que modalidade do premio se presenta.

A extensión das obras abranguerá desde un mínimo de 20 páxinas a un máximo de 80 para a modalidade infantil, e de 80 a 200 para a xuvenil. Os traballos presentaranse mecanografados a dobre espazo e escritos por unha soa cara en follas de papel de tamaño DIN-A4. Irán acompañadas dunha copia en soporte informático.

Os orixinais enviaranse nunha plica. As plicas deben incluír o nome,

o enderezo, o correo electrónico e mais o teléfono do autor. O xurado procederá á apertura das plicas despois de emitir o ditame do premio nas dúas modalidades.

Cada concursante poderá enviar todos os orixinais da súa propia autoría que desexe para unha soa modalidade. O feito de participar implica o compromiso de non optar a outros premios coas obras que se presenten a este concurso, así como a ausencia de compromisos editoriais, previos ou simultáneos, sobre as devanditas obras.

O prazo de admisión dos orixinais rematará o 15 de setembro do 2016. Non se poderán presentar ao concurso nin o persoal do grupo edebé nin os gañadores da edición anterior.

O xurado será nomeado por edebé e estará formado por especialistas en literatura e en educación. A súa composición farase pública no momento de publicar o ditame do premio. O xurado emitirá un veredito inapelable. Este veredito darase a coñecer a finais de xaneiro do 2017 durante un acto que se convocará para este fin.

Os orixinais non-premiados serán destruídos dentro dos catro meses seguintes á adxudicación do premio. A editorial non responde, en ningún caso, polo extravío ou pola perda dalgún orixinal.

A participación no Premio edebé de Literatura Infantil e Xuvenil implica a plena conformidade e a aceptación destas bases.

[www.edebe.com](http://www.edebe.com)

**rodeira**